



**Bou ons kinders vir
môre**

**Voorskoolse-
Sondagskool**

Les Titel: Gehoorsaamheid

'n Ouerhandleiding
Sondagskooltuisonderrig



Liewe Ouer

Welkom by die les “**Gehoorsaamheid**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSH5
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel

Gehoorsaamheid

Lesdoelwit

Gehoorsaamheid bring seënige en beskerm ons teen gevare

Lesopsomming:

Ons les gaan vandag oor "Gehoorsaamheid".

As kinders van God wil ons God gehoorsaam en sy Woord respekteer. Ons moet ook ons ouers gehoorsaam. Ons moet veral luister as ons ma en pa vir ons sê om iets te doen.

As jy 'n bietjie ouer is sal jy van die Tien Gebooie van God leer, en ook weet wat die vierde gebod sê? "Eer jou vader en jou moeder dat dit met jou goed kan gaan." Dit is die eerste gebod met 'n belofte. God belowe om ons te seën as ons ons ouers gehoorsaam en ons wil altyd hê dat God ons moet seën.

Daar is baie voorbeelde in die Bybel wat ons leer van gehoorsaamheid en ek is seker dat jy die verhale gehoor het van Noag wat gehoorsaam was aan God en die ark gebou het, en ook van Jona en wat met hom gebeur het toe hy ongehoorsaam was aan God. As jy dit nie ken nie, vra dan vir ma en pa om hierdie Bybelverhale vir jou te lees. Jy vind dit in Genesis, hoofstukke 6 en 7, en Jona, hoofstukke 1 - 4.

Maar vandag wil ek jou die verhaal vertel van 'n jong seun wie se naam Simon was. Hy was mal daarvoor om saam met sy ma en pa te gaan stap en staptorer te doen. Simon het daarvan gehou om 'n paar tree voor sy ma en pa te stap. Hy was nuuskierig om te weet wat om die volgende draai is, of wat hy sou vind op die paadjies waarop hulle gestap het.

Soms moes die gesin oor strome gaan wat gesmelte ys vanaf die hoëliggende sneeuvelde na die vallei onder gelei het, en Simon het dit altyd geniet om klippies in die volgende bergstroom te gooi.

Op 'n dag het Simon en sy gesin gaan stap. Hy hoor sy vader roep: "Simon, bly by ons!" Aanvanklik stop Simon en kyk rond. Hy dink by homself: "Waarom moet ek hier wag? Dit is onmoontlik vir hierdie plek om gevaarlik te wees." Maar toe het hy gehoorsaam bly staan en vir sy ouers gewag. Hy kyk na sy pa en wonder waarom sy pa hom gevra het om nie vooruit te loop nie. Sy pa het niks aan Simon verduidelik nie en hulle het saam verder gestap.

Na 'n kort tydjie het iets onverwags gebeur ... 'n entjie vorentoe het 'n groot rots op die paadjie geval. Eers nadat die rots met so 'n groot slag geval het, het die gesin besef wat kon gebeur



het as Simon vooruit geloop het. As gevolg van Simon se gehoorsaamheid aan sy pa is hy nie beseer nie en het die uitstappie goed geëindig.

Wat beteken hierdie les vandag vir ons?

Wat het ons geleer uit die les van vandag, lieve kinders:

- Dit is belangrik om die Woord van God te gehoorsaam
- As kinders moet ons altyd ons ouers gehoorsaam.
- As ons gehoorsaam is, word ons teen gevaar beskerm.
- God seën ons as ons ons ouers gehoorsaam
- Dit is belangrik om ons ouers te gehoorsaam - dit maak hulle gelukkig en maak God ook baie gelukkig
- Deur gehoorsaam te wees aan ons ouers bewaar ons die vierde gebod van God; om jou vader en jou moeder te eer, en God sal ons seën.

Sommige vrae wat ons kan vra:

- *Vraag: Het die rots op Simon geval?*

Antwoord: Nee, want hy het na sy pa geluister toe hy hom geroep het

- *Vraag: is dit belangrik om na jou ma en pa te luister?*

Antwoord: Ja. Dit maak God gelukkig en dit maak ons ma en pa ook gelukkig.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.